

fürcho

mir bruuche
en ätti
wo luegt
für is

sys znüni
isch e bitz
ruuchbrot
imene gstabige
verrunzlete metzgerpapier

am viertelabsibni
geit er ga wärche
syner lüt vor ouge
si sölle s zu öppisem
bringe

ds müeti
achtet
uf sech sälber
chuum

es isch gwunderig
immer wieder
pröblets a sache
u sächeli ume
für die chlyne
stüngle
meischtens glingt s ihm
für ds müeti
isch das so öppis
win es unerchants
spiel

ätti u müeti
hei gwählt
zersch üser chind

i ihrem hinderchopf
wüsse si s
zuerst ich und dann
die andern
gibt uns nicht
was wir eigentlich wollen

